

# Փաստաշար

Ընդունվեց գեներալային արդարություն հաստատող օրենքը



Մայիսի 20-ին Ազգային ժողովում երրորդ և վերջնական ընթերցմամբ ընդունվեց «Կանանց և տղամարդկանց հավասար իրավունքների և հավասար հնարավորությունների ապահովման մասին» օրենքի նախագիծը: Օրենքն անցավ 108 կողմ, 1 դեմ և 8 ձեռնպահ ձայներով:

Նշենք, որ օրենքի նախագծի այս տարբերակը ԱԺ-ում շրջանառության մեջ էր 2011-ից, առաջին ընթերցմամբ ընդունվել էր դեռ նախորդ գումարման օրոք՝ 2012-ի փետրվարին, իսկ երկրորդ և երրորդ ընթերցումները կայացան արդեն նոր՝ հինգերորդ գումարման խորհրդարանում:

Օրենքը, որն ըստ էության ամրագրում է գեներալային հավասարության սկզբունքը, ուժի մեջ կմտնի 33 նախագահի ստորագրելուց հետո:

## Երևանը թվերով



Հայաստանի յուրաքանչյուր 3-րդ բնակիչն ապրում է Երևանում: Բնակչության խտությունը մայրաքաղաքում 5 314 մարդ/կմ. և այդ ցուցանիշով մենք կարող ենք համեմատվել Լոնդոնի և Մադրիդի հետ:

Երևանի մեկ բնակիչն Երևանում է ընկնում մոտ 7 քմ կանաչ տարածք, միջինում ընդունված չափից 3 անգամ պակաս: Իսկ զբոսայգիներն ու պուրակները կազմում են մեր քաղաքի ընդհանուր մակերեսի ընդամենը 3%-ը: Համեմատության կարգով՝ Լոնդոնում զբոսայգիներն ու պուրակները կազմում են քաղաքի ընդհանուր մակերեսի 38%-ը, իսկ Նյու Յորքում՝ 14%-ը:

## Նախարարների նոր հին կաբինետը



Նախագահի ընտրություններից հետո ձևավորված կառավարության կազմում կանանց մասնակցության առումով փոփոխություններ չեն արձանագրվել: 18 նախարարներից կազմված նոր կաբինետում, ինչպես և նախորդում երկու կին նախարարներ կան՝ սփյուռքի նախարար Հրանուշ Հակոբյանը և մշակույթի նախարար Հասմիկ Պողոսյանը:

56 փոխնախարարներից միայն 7-ն են կին՝ աշխատանքի և սոցիալական հարցերի նախարարությունում՝ Ջեննա Բաղդասարյանը և Սոնա Հարությունյանը, էկոնոմիկայի՝ Կարինե Մինասյանը, կրթության և գիտության՝ Կարինե Հարությունյանը, մշակույթի՝ Արև Սամուելյանը, ֆինանսների՝ Լիանա Հունանյանը և քաղաքաշինության նախարարությունում՝ Ռուզան Ալավերդյանը:

Կառավարությանն առընթեր 7 մարմիններից և ոչ մեկի ղեկավարը կին չէ: Մարզպետների թվում էլ կանայք բացակայում են:

# Նիշեր և քաղաքականություն

Կանայք ՏԻՄ-երում ներկա և ապագա հաջողությունների գրավականը. - լուրեր Սյունիքից և Վայոց ձորից



Էջ 4

Անվճար հավելված

www.WomenNet.am

## 2013 մայիս

Մայիսի 5-ին կայացած ընտրությունների արդյունքներով՝ կանանց համամասնությունը Երևանի ավագանու կազմում 15,4 տոկոս է՝ 65 անդամներից 10-ը կին են:



## Դե յուրե - դե ֆակտո

### Կանայք մեկ տարվա ընտրական մարաթոնում

Մայիսի 5-ին կայացած Երևանի ավագանու ընտրություններով ավարտվեց մեկ տարի առաջ խորհրդարանական ընտրողավով մեկնարկած մարաթոնը: Ինչպիսի՞ն էր կանանց մասնակցությունն այդ երեք ընտրություններում: Եվ ի՞նչ փոփոխությունների ենթարկվեց իշխանական բուրգը դրանց արդյունքում: Խոսենք միայն թվերով:

Այս տարվա սկզբին կայացած նախագահի ընտրություններում կանանց մասնակցությունը՝ գրանցված թեկնածուների կարգավիճակով գրոյակում էր, իսկ չգրանցվածների շարքում միայն մեկն էր, որ խիզախեց առաջադրվել: Թեպետ, եթե հավատանք Gallup International-ի նախընտրական հարցմանը, ապա կանանցից առնվազն 7 տոկոսը համաձայն է ստանձնել երկրի ղեկավարի պաշտոնը, եթե դա իրենց առաջարկվի: Խնդիրն այստեղ, ըստ երևույթին, այն է, որ նրանք պատրաստ չեն դրա համար պայքարի մեջ մտնելու, թեև անցյալ տարվա մայիսին կայացած խորհրդարանական ընտրություններում կանայք այդ հոգեբանական խոչընդոտը կարծես

թե հաղթահարեցին: Փոփոխությունն ակնհայտ էր հատկապես մեծամասնական պայքարում. կին թեկնածուները, զուգե շատ չէին, բայց նրանք բավական բուռն և օրինակելի քարոզարշավներ տարան: Դրա հետ մեկտեղ համամասնականի հետ կապված սպասելիքները միայն կիսով չափ արդարացան, քան կարելի էր ակնկալել կանանց աջակցող 20 տոկոսանոց քվոտայի պարագայում:

Կանանց թիվը Ազգային ժողովում ավելացավ ընդամենը երկուսով, այն էլ՝ մեծամասնականի հաշվին, և այժմ ունենք 14 կին պատգամավոր 131-ից: Տոկոսային հարաբերակցությամբ՝ 10,8 տոկոս է, ինչը աշխարհի խորհրդարաններում արձանագրված ամենացածր ցուցանիշներից մեկն է: Համեմատական առաջընթաց արձանագրեց միայն ՀՀԿ խմբակցությունը, որի կազմում կանանց թիվն աճեց նախորդ գումարման 3,1 տոկոսից մինչև այսօրվա 13%-ը:

Դրական փոփոխությունների շարքում կարելի է հիշատակել այն փաստը, որ խորհրդարանի ղեկավար կազմում այսօր չորս կին կա՝ մեկը փոխխոսնակի պաշտոնում, մեկը՝ խմբակցության ղեկավար և

երկուսը՝ մշտական հանձնաժողովների նախագահ:

Անցյալ տարվա աշնանը կայացած տեղական ընտրություններում առաջընթացը չնչին էր՝ կանանց ներկայացվածությունը ավագանիների կազմում բարձրացավ ընդամենը երկու կետով՝ դառնալով 8,4 տոկոս: Ճիշտ է, որոշ մարզերում զգալի հաջողություններ արձանագրվեցին, հատկապես Սյունիքում, որտեղ կանանց թիվը ավագանիներում 17,4 տոկոս է: Դրա հետ մեկտեղ բոլոր մարզերում նուսրացան առանց այդ էլ սակավաթիվ կին գյուղապետների շարքերը, նրանք ընդամենը 2,2 տոկոս են կազմում, այն դեպքում, երբ Հայաստանը «Հազարամյակի զարգացման նպատակների» շրջանակում պարտավորություն է ստանձնել՝ մինչև 2015 թվականը կանանց թիվը համայնքների ղեկավարների կազմում 10 տոկոսի հասցնել: Ասենք նաև, որ 48 քաղաքային համայնքների ղեկավարների թվում կանայք այս անգամ էլ չի հայտ չեկան:

Վերջին բաստիոնը Երևանի ավագանու ընտրություններն էին... Եվ այստեղ սպասելիքները բավական մեծ էին՝ հաշվի առնելով համամասնական ցուցանիշների համար օրենսդ-

րորեն սահմանված 20%-անոց քվոտան: Մայիսի 5-ի ընտրություններին մասնակցության հայտ ներկայացրած յոթ քաղաքական ուժերի համամասնական ցուցակներում կանանց թիվը միջինը 24 տոկոս էր կազմում:

«Առաքելություն» կուսակցության ցուցակում կանայք 28% էին, «Հայ ազգային կոնգրես» կուսակցությունում (ՀԱԿ)՝ 26%, «Օրինաց երկիր» (ՕԵԿ), «Բարգավաճ Հայաստան» (ԲՀԿ) կուսակցությունների և «Բարև, Երևան» դաշինքի ցուցակներում՝ 25-ական տոկոս, Հայ հեղափոխական դաշնակցություն (ՀՅԴ) և Հայաստանի հանրապետական (ՀՀԿ) կուսակցությունների ցուցակներում՝ 22% և 20% համապատասխանաբար:

Բոլոր ցուցակների առաջին տասնյակում ընդամենը 13 կին էր ընդգրկված: Նշված ուժերից որևէ մեկի ցուցակը կին չէր գլխավորում, թեև լուրեր էին շրջանառվում, թե ՀՀԿ անդամ, նախորդ գումարման ԱԺ պատգամավոր Լիլիթ Գալստյանին ընդդիմության միասնական ցուցակը ղեկավարելու առաջարկ էր արվել: Բայց իրադարձություններն այլ կերպ զարգացան:

Շարունակությունը՝ էջ 2

## Չայն բազմաց

### Քաղաքային տրանսպորտի խնդիրն առավել մտախոհում է կանանց, քան տղամարդկանց

Եկոլոգիան, տրանսպորտը և բնակչությունը ծառայությունները՝ սա է երևանցիների համար մտախոհող հիմնախնդիրների եռյակը ընտրություններից առաջ Հայկական սոցիոլոգիական ասոցիացիայի կողմից կատարված հարցման արդյունքներով:

Ասոցիացիայի նախագահ Գևորգ Պողոսյանը մեզ հետ զրույցում մանրամասնեց, որ, օրինակ, հասարակական տրանսպորտի գործունեությունն ավելի շատ մտախոհում է մայրաքաղաքի բնակիչ կանանց, քան տղամարդկանց: Հարցման արդյունքներով՝ կանանց 20 տոկոսն է համարում, որ Երևանի

համար կարևորագույն հարցը հասարակական տրանսպորտն է, մինչդեռ այդ հարցը ամենակարևորն է համարում տղամարդկանց 16 տոկոսը:

«Միզուցե կանայք ավելի շատ են երթուղային տաքսիներով շրջում, ուստի նրանց համար այդ խնդիրն ավելի կարևոր է, քան, նույնիսկ, Եկոլոգիան», - կարծում է Պողոսյանը:

Ընդհանուր առմամբ քաղաքային տրանսպորտը որպես ամենակարևոր հիմնախնդիր նշել է հարցման մասնակիցների 17,8 տոկոսը, իսկ 21,8 տոկոսը Երևանի ամենակարևոր խնդիր է համարել Եկոլոգիան: Ընդ որում, Եկոլոգիայի խնդիրը առավել կարևոր է հարցված

տղամարդկանց 24 տոկոսի, իսկ կանանց՝ 19 տոկոսի համար:

Բնակչությունը ծառայությունների հետ կապված հիմնախնդիրներն առավել կարևորել է հարցվածների 16 տոկոսը: Դրանք ամենակարևորն է դիտարկել կանանց 17 տոկոսը, իսկ տղամարդկանց 14,3 տոկոսը:

Մյուս հիմնախնդիրների ղեկավարում տղամարդկանց ու կանանց կարծիքների տարբերությունը չնչին է եղել:

Նշենք, որ հանրային կարծիքի հարցումն անցկացվել է Երևանում ապրիլի 19-25-ը: Հարցմանը մասնակցել է ընտրելու իրավունք ունեցող Երևանի 1000 չափահաս բնակիչ:







